



# Deddf Cwricwlwm ac Aseu (Cymru) 2021

2021 dsc 4

VALID FROM 01/09/2022

## RHAN 3

CWRICWLWM AR GYFER DARPARIAETH EITHRIADOL O ADDYSG  
MEWN UNEDAU CYFEIRIO DISGYBLION NEU MEWN MANNAU ERAILL

*Cyffredinol*

### 49 Cyflwyniad

- (1) Mae'r Rhan hon yn gwneud darpariaeth ynghylch cwricwlwm ar gyfer addysg a ddarperir o dan adran 19A o [Ddeddf Addysg 1996 \(p. 56\)](#) (darpariaeth eithriadol o addysg mewn unedau cyfeirio disgyblion neu mewn manau eraill: Cymru).
- (2) Mae adrannau 50 i 52 yn gymwys i addysg a ddarperir mewn unedau cyfeirio disgyblion.
- (3) Mae adrannau 53 i 55 yn gymwys i addysg a ddarperir ac eithrio mewn unedau cyfeirio disgyblion.
- (4) Mae cyfeiriadau yn y Rhan hon at ddisgyblion, mewn perthynas ag uned cyfeirio disgyblion, yn gyfeiriadau at ddisgyblion cofrestredig yn yr uned, ac eithrio'r rheini sydd dros yr oedran ysgol gorfodol.

### Gwybodaeth Cychwyn

- 11** A. 49 ddim mewn grym ar y Cydsyniad Brenhinol, gweler [a. 84\(2\)](#)

*Statws Golwg cyfnod mewn amser fel yr oedd ar 29/09/2021. Mae'r fersiwn hon o'r hwn  
 (hon) part yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys  
 ar gyfer y Deddf Cwricwlwm ac Asesu (Cymru) 2021, RHAN 3. (See end of Document for details)*

### Unedau cyfeirio disgyblion

#### 50 Gofynion cwricwlwm

- (1) Rhaid i'r awdurdod lleol, y pwyllgor rheoli (os oes un) a'r athro neu'r athrawes sydd â chyfrifoldeb am uned cyfeirio disgyblion arfer eu swyddogaethau gyda golwg ar sicrhau bod cwricwlwm ar gyfer yr uned sy'n cydymffurfio â'r gofynion yn is-adrannau (2) i (5).
- (2) Y gofyniad cyntaf yw bod rhaid i'r cwricwlwm—
  - (a) galluogi disgyblion i ddatblygu yn y ffyrdd a ddisgrifir yn y pedwar diben,
  - (b) darparu ar gyfer cynnydd priodol i ddisgyblion,
  - (c) bod yn addas i ddisgyblion o oeddrannau, galluoedd a doniau gwahanol, a
  - (d) bod yn eang ac yn gytbwys, i'r graddau y mae'n briodol i ddisgyblion.
- (3) Yr ail ofyniad yw bod rhaid i'r cwricwlwm wneud darpariaeth ar gyfer addysgu a dysgu—
  - (a) sy'n cwmpasu maes dysgu a phrofiad Iechyd a Lles,
  - (b) sy'n cwmpasu elfen fandadol Addysg Cydberthynas a Rhywioldeb, ac
  - (c) sy'n datblygu'r sgiliau trawsgwricwlaidd mandadol.
- (4) Y trydydd gofyniad yw bod rhaid i'r ddarpariaeth a wneir o dan is-adran (3)(b) fod yn briodol yn ddatblygiadol i ddisgyblion.
- (5) Y pedwerydd gofyniad yw bod rhaid i'r cwricwlwm wneud darpariaeth, os yw'n rhesymol bosibl a phriodol gwneud hynny, ar gyfer addysgu a dysgu—
  - (a) yn y meysydd dysgu a phrofiad eraill, a
  - (b) yn yr elfennau mandadol eraill.
- (6) Rhaid i'r athro neu'r athrawes sydd â chyfrifoldeb am uned cyfeirio disgyblion gyhoeddi crynodeb o'r cwricwlwm ar gyfer yr uned, neu drefnu iddo gael ei gyhoeddi.

#### Gwybodaeth Cychwyn

**I2** A. 50 ddim mewn grym ar y Cydsyniad Brenhinol, gweler **a. 84(2)**

#### 51 Adolygu a diwygio cwricwlwm

- (1) Rhaid i'r awdurdod lleol, y pwyllgor rheoli (os oes un) a'r athro neu'r athrawes sydd â chyfrifoldeb am uned cyfeirio disgyblion—
  - (a) cadw'r cwricwlwm ar gyfer yr uned o dan adolygiad, a
  - (b) sicrhau ei fod yn parhau i gydymffurfio â'r gofynion yn adran 50.
- (2) Wrth ystyried a yw'r cwricwlwm yn parhau i gydymffurfio â'r gofynion yn adran 50, rhaid iddynt roi sylw i wybodaeth sy'n deillio o unrhyw drefniadau asesu a weithredir ganddynt o dan reoliadau a wneir o dan adran 56.
- (3) Rhaid iddynt ddiwygio'r cwricwlwm os ydynt yn ystyried ei bod yn angenrheidiol gwneud hynny er mwyn sicrhau ei fod yn parhau i gydymffurfio â'r gofynion yn adran 50.

*Statws Golwg cyfnod mewn amser fel yr oedd ar 29/09/2021. Mae'r fersiwn hon o'r hwn (hon) part yn cynnwys darpariaethau nad dynt yn ddilys ar gyfer y pwynt mewn amser hwn.*  
*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 3. (See end of Document for details)*

- (4) Cânt ddiwygio'r cwricwlwm hefyd ar unrhyw adeg y maent yn ystyried ei bod yn briodol gwneud hynny.
- (5) Os caiff y cwricwlwm ei ddiwygio, rhaid i'r athro neu'r athrawes sydd â chyfrifoldeb am yr uned gyhoeddi crynodeb o'r cwricwlwm diwygiedig, neu drefnu iddo gael ei gyhoeddi.

### Gwybodaeth Cychwyn

**I3** A. 51 ddim mewn grym ar y Cydsyniad Brenhinol, gweler [a. 84\(2\)](#)

## 52 Gweithredu cwricwlwm

- (1) Rhaid i'r athro neu'r athrawes sydd â chyfrifoldeb am uned cyfeirio disgyblion sicrhau bod y cwricwlwm ar gyfer yr uned yn cael ei weithredu mewn ffordd—
  - (a) sy'n galluogi pob disgybl i ddatblygu yn y ffyrdd a ddisgrifir yn y pedwar diben,
  - (b) sy'n sicrhau addysgu a dysgu sy'n cynnig cynnydd priodol i bob disgybl,
  - (c) sy'n addas ar gyfer oedran, gallu a dawn pob disgybl,
  - (d) sy'n ystyried anghenion dysgu ychwanegol pob disgybl (os oes rhai), ac
  - (e) sy'n sicrhau addysgu a dysgu eang a chytbwys i bob disgybl.
- (2) Rhaid i'r athro neu'r athrawes sydd â chyfrifoldeb am uned cyfeirio disgyblion sicrhau bod y cwricwlwm ar gyfer yr uned yn cael ei weithredu mewn ffordd sy'n sicrhau addysgu a dysgu i bob disgybl—
  - (a) sy'n cwmpasu maes dysgu a phrofiad Iechyd a Lles,
  - (b) sy'n cwmpasu elfen fandadol Addysg Cydberthynas a Rhywioldeb, ac
  - (c) sy'n datblygu'r sgiliau trawsgwricwlaidd mandadol.
- (3) Rhaid i'r athro neu'r athrawes sydd â chyfrifoldeb am uned cyfeirio disgyblion sicrhau bod yr addysgu a dysgu a sicheir o dan is-adran (2)(b) yn addas ar gyfer cyfnod datblygu pob disgybl.
- (4) Rhaid i'r athro neu'r athrawes sydd â chyfrifoldeb am uned cyfeirio disgyblion—
  - (a) ystyried pa addysgu a dysgu y byddai'n briodol ei ddarparu ar gyfer pob disgybl yn y meysydd dysgu a phrofiad eraill a'r elfennau mandadol eraill y mae'r cwricwlwm yn gwneud darpariaeth ar eu cyfer, a
  - (b) sicrhau, i'r graddau y mae'n rhesymol bosibl, y darperir yr addysgu a dysgu ar gyfer y disgybl.
- (5) Rhaid i'r awdurdod lleol a'r pwyllgor rheoli (os oes un) ar gyfer uned cyfeirio disgyblion arfer eu swyddogaethau gyda golwg ar sicrhau y gweithredir y cwricwlwm ar gyfer yr uned i ddisgyblion yn unol â'r adran hon.

### Gwybodaeth Cychwyn

**I4** A. 52 ddim mewn grym ar y Cydsyniad Brenhinol, gweler [a. 84\(2\)](#)

*Statws Golwg cyfnod mewn amser fel yr oedd ar 29/09/2021. Mae'r fersiwn hon o'r hwn  
 (hon) part yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys  
 ar gyfer y Deddf Cwricwlwm ac Asesu (Cymru) 2021, RHAN 3. (See end of Document for details)*

*Addysg arall a ddarperir o dan adran 19A o Ddeddf Addysg 1996*

### 53 Gofynion cwricwlwm

- (1) Rhaid i awdurdod lleol sy'n gwneud trefniadau o dan adran 19A o [Ddeddf Addysg 1996 \(p. 56\)](#) i ddarparu addysg ar gyfer plentyn ac eithrio mewn uned cyfeirio disgyblion sicrhau bod y trefniadau yn sicrhau cwricwlwm i'r plentyn sy'n cydymffurfio â'r gofynion yn is-adrannau (2) i (5).
- (2) Y gofyniad cyntaf yw bod rhaid i'r cwricwlwm—
  - (a) galluogi'r plentyn i ddatblygu yn y ffyrdd a ddisgrifir yn y pedwar diben,
  - (b) darparu ar gyfer cynnydd priodol i'r plentyn,
  - (c) bod yn addas ar gyfer oedran, gallu a dawn y plentyn, a
  - (d) bod yn eang ac yn gytbwys, i'r graddau y mae'n briodol i'r plentyn.
- (3) Yr ail ofyniad yw bod rhaid i'r cwricwlwm wneud darpariaeth, i'r graddau y mae'n briodol i'r plentyn, ar gyfer addysgu a dysgu—
  - (a) sy'n cwmpasu maes dysgu a phrofiad Iechyd a Lles,
  - (b) sy'n cwmpasu elfen fandadol Addysg Cydberthynas a Rhywioldeb, ac
  - (c) sy'n datblygu'r sgiliau trawsgwricwlaidd mandadol.
- (4) Y trydydd gofyniad yw bod rhaid i'r ddarpariaeth a wneir o dan is-adran (3)(b) fod yn addas ar gyfer cyfnod datblygu'r plentyn.
- (5) Y pedwerydd gofyniad yw bod rhaid i'r cwricwlwm wneud darpariaeth, os yw'n rhesymol bosibl a phriodol gwneud hynny, ar gyfer addysgu a dysgu—
  - (a) yn y meysydd dysgu a phrofiad eraill, a
  - (b) yn yr elfennau mandadol eraill.

#### Gwybodaeth Cychwyn

**I5** A. 53 ddim mewn grym ar y Cydsyniad Brenhinol, gweler [a. 84\(2\)](#)

### 54 Adolygu a diwygio

- (1) Rhaid i awdurdod lleol sy'n gwneud trefniadau o dan adran 19A o [Ddeddf Addysg 1996 \(p. 56\)](#) i ddarparu addysg ar gyfer plentyn ac eithrio mewn uned cyfeirio disgyblion—
  - (a) cadw'r trefniadau o dan adolygiad, a
  - (b) sicrhau eu bod yn parhau i sicrhau cwricwlwm i'r plentyn sy'n cydymffurfio â'r gofynion yn adran 53.
- (2) Wrth ystyried a yw'r trefniadau yn parhau i sicrhau cwricwlwm i'r plentyn sy'n cydymffurfio â'r gofynion hynny, rhaid i'r awdurdod lleol roi sylw i wybodaeth sy'n deillio o unrhyw drefniadau asesu a weithredir mewn perthynas â'r plentyn o dan reoliadau a wneir o dan adran 56.
- (3) Rhaid i'r awdurdod lleol ddiwygio'r trefniadau os yw'n ystyried ei bod yn angenrheidiol gwneud hynny er mwyn sicrhau eu bod yn parhau i sicrhau cwricwlwm i'r plentyn sy'n parhau i gydymffurfio â'r gofynion yn adran 53.

*Statws* Golwg cyfnod mewn amser fel yr oedd ar 29/09/2021. Mae'r fersiwn hon o'r hwn (hon) part yn cynnwys darpariaethau nad ydynt yn ddilys ar gyfer y pwynt mewn amser hwn.  
*Newidiadau i ddeddfwriaeth:* Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 3. (See end of Document for details)

### Gwybodaeth Cychwyn

**I6** A. 54 ddim mewn grym ar y Cydsyniad Brenhinol, gweler **a. 84(2)**

## 55 Gweithredu cwricwlwm

- (1) Rhaid i awdurdod lleol sy'n gwneud trefniadau o dan adran 19A o **Ddeddf Addysg 1996 (p. 56)** i ddarparu addysg ar gyfer plentyn ac eithrio mewn uned cyfeirio disgyblion sicrhau bod y trefniadau yn sicrhau bod y cwricwlwm i'r plentyn yn cael ei weithredu mewn ffordd—
  - (a) sy'n galluogi'r plentyn i ddatblygu yn y ffyrdd a ddisgrifir yn y pedwar diben,
  - (b) sy'n sicrhau addysgu a dysgu sy'n cynnig cynnydd priodol ar gyfer y plentyn,
  - (c) sy'n addas ar gyfer oedran, gallu a dawn y plentyn,
  - (d) sy'n ystyried anghenion dysgu ychwanegol y plentyn (os oes rhai), ac
  - (e) sy'n sicrhau addysgu a dysgu sy'n eang ac yn gytbwys, i'r graddau y mae'n briodol i'r plentyn.
- (2) Rhaid i'r awdurdod lleol hefyd sicrhau bod y trefniadau yn sicrhau'r addysgu a dysgu y mae rhaid i'r cwricwlwm wneud darpariaeth ar ei gyfer o dan adran 53(3), (4) a (5).

### Gwybodaeth Cychwyn

**I7** A. 55 ddim mewn grym ar y Cydsyniad Brenhinol, gweler **a. 84(2)**

**Statws**

Golwg cyfnod mewn amser fel yr oedd ar 29/09/2021. Mae'r fersiwn hon o'r hwn (hon) part yn cynnwys darpariaethau nad ydynt yn ddilys ar gyfer y pwynt mewn amser hwn.

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 3.